

# Pemimpin berdedikasi penting untuk kejayaan

B.H - 8 AUGUST

SEDUTAN UCAPAN PERDANA MENTERI DI PERHIMPUNAN AGUNG MIC KE-40 DI KELAB KILAT, KUALA LUMPUR, SEMALAM

SAYA mengucapkan terima kasih kepada Jawatan Kuasa Pusat MIC kerana menjemput saya sekali lagi untuk merasmikan Perhimpunan Agung MIC tahun ini. Ini sudah menjadi tradisi parti komponen Perikatan dan Barisan Nasional (BN) sejak zaman Almarhum Tuan Ku Abdul Rahman Putra al-Haj menjadi pengerusi gabungan parti kita. Ia berpunca daripada semangat perpaduan dan persaudaraan di kalangan kita.

Malangnya, ada pihak di luar negara yang tidak mahu melihat perpaduan ini sebagai satu kebaikan. Mereka lebih suka jika kita bermusuhan-musuhan dan berpecah-belah. Justeru itu, apabila saya mendapat sambutan sebagai Pengerusi Barisan Nasional di Mesyuarat Agung MCA baru-baru ini, kebanyakan media asing membuat komen bahawa saya hadir untuk mengesahkan atau 'endorse' pemimpin MCA. Mereka tahu dengan komen ini, mereka memberi peluru kepada partj lawan dan orang Cina untuk menyerang MCA. Dengan ini mereka berharap perpaduan parti dan perpaduan kaum dalam BN akan terjejas.

Mereka amat tidak senang melihat kita yang terdiri daripada kaum

yang berlainan tidak bersengketa dan bermusuhan-musuhan seperti yang berlaku di kebanyakan negara berbilang kaum yang lain. Mereka kecewa kerana negara kita aman dan stabil dan kita dapat membangunkan negara dengan pesat. Mereka lebih suka jika kita dilandai dengan rusuhan kaum yang hebat dan negara kita kucar-kacir dan tidak dapat dibangunkan. Dengan ini mereka dapat memuaskan keangkuhan nafsu mereka yang sentiasa berperasaan mereka 'superior' dan lebih tahu mengenai politik di mana-mana sahaja. Tetapi sebenarnya mereka tidak tahu dan di negara mereka, mereka lebih tidak mampu mentadbir daripada kita. Bahkan dalam soal perkauman mereka lebih ekstrim dan tidak toleran. Mereka lupa bahawa sewaktu mereka menjajah kita dahulu, mereka mengamalkan 'white superiority' dengan begitu angkuh. Tetapi sekarang mereka cuba berlagak sebagai orang yang begitu bebas daripada perasaan perkauman dan cuba mengajari kita.

*To them I would say, look at yourself first. You are less perfect than we are. In many ways you are still racist. You like to comment on others but*

*when others comment on your behaviour you accuse them of being unduly sensitive. In fact, it is you who are sensitive and intolerant.*

*In Malaysia, the Chairman of BN is not in the business of endorsing leaders of the component parties. He cannot even endorse the leaders in his own party. But in Malaysia we believe in goodwill and togetherness. It is for that reason that the Chairman of BN traditionally officiates the opening of the general meetings of component parties.*

Saya gembira dan bangga bahawa MIC sebagai sebuah parti komponen BN kini lebih bersatu padu, stabil dan kukuh. Kekukuhan, kestabilan dan perpaduan ini menunjukkan kebijaksanaan dan kematangan kepimpinan MIC dalam menangani isu yang dihadapi oleh parti. MIC hari ini lebih diterima oleh masyarakat India Malaysia sebagai parti yang dapat menjaga kepentingan mereka dengan lebih berkesan. Ini dapat dilihat daripada kegiatan parti yang bertujuan membantu meningkatkan lagi taraf ekonomi masyarakat keturunan India. Saya juga gembira bahawa MIC bersama-sama dengan parti komponen BN yang lain memainkan peranan yang berkesan dalam meningkatkan perpaduan kaum dan pembangunan negara. Ini penting jika kita ingin melihat negara ini terus stabil, maju dan makmur.

MIC mungkin parti yang kecil berbanding dengan Umno, tetapi bagi BN, MIC adalah amat penting. Dalam BN semua parti adalah sama atau 'equal'. Tidak ada parti dalam BN yang diberi layanan yang kurang sama. Dalam BN kita hormat-menghormati di antara satu sama lain. Atas dasd inilah parti komponen BN boleh bekerjasama antara satu sama lain. Tidak seperti parti pembangkang, BN sentiasa mengambil kira kepentingan parti komponennya. Parti pembangkang lebih mementingkan diri masing-masing. Itulah sebabnya parti pembangkang tidak dapat menubuhkan Barisan Pembangkang yang berkesan kerana DAP dan Pas sentiasa mahukan layanan yang khas bagi diri masing-masing dan menganggap parti mereka lebih mantap.

Malaysia kini sedang menuju ke arah menjadi sebuah negara maju. Dalam proses menjadi sebuah negara maju, negaia perlu perkembangan ekonomi yang pesat. Untuk membolehkan kita mencapai matlamat Wawasan 2020, kita memerlukan kadar pertumbuhan purata sebanyak tujuh peratus setahun. Wawasan kita bukan satu impian tetapi adalah matlamat yang waras. Kita boleh.

Kerajaan juga yakin banyak peluang ekonomi akan wujud dalam usaha kita menjadi sebuah negara maju. Dalam hal ini, adalah menjadi hasrat kerajaan untuk melihat semua kaum termasuk kaum keturunan India, memperolehi peluang dan faedah serta tidak ketinggalan dalam proses pembangunan. Kerajaan akan menentukan tidak ada mana-mana kaum yang diketepikan. Bagaimanapun, rakyat Malaysia ti-

dak wajar mengharapkan kerajaan semata-mata untuk membantu mereka. Rakyat juga perlu berusaha dan bekeja kuat untuk merebut peluang ekonomi yang diwujudkan. Kerajaan yakin 'economic cake' yang akan kita wujudkan adalah cukup besar untuk dibahagikan kepada semua kaum di negara ini.

Justeru itu, masyarakat India Malaysia hendaklah sentiasa bersedia untuk merebut peluang ekonomi yang diwujudkan. Di negara kita tidak ada halangan dan sekatan terhadap usaha mengumpulkan harta kekayaan. Semua kaum bebas untuk mencari kekayaan. Bagi mereka yang sanggup berusaha kuat dan tabah menghadapi cabaran, mereka boleh berjaya. Kejayaan tidak mengamal kaum. Ini terbukti jika kita lihat mereka yang telah berjaya dalam sektor korporat. Mereka yang berjaya terdiri daripada pelbagai kaum.

Tidak ada gunanya kita menyalahkan pihak lain di atas kelemahan dan kegagalan kita. Memanglah senang untuk kita menyalahkan orang lain. Ini merupakan cara paling popular untuk mendapat pengaruh dan sokongan. Bagaimanapun, ia boleh menjadi bahaya kerana ia boleh menaikkan sentimen dan emosi sesuatu kaum. Jika kita tidak berhati-hati dan hanya mementingkan kepentingan diri sendiri sahaja, ia boleh menimbulkan keadaan yang kurang baik. Inilah yang sentiasa cuba dielakkan oleh kerajaan. Kita tidak mahu menjadi seperti partilawan yang suka mengeksploitasi sentimen perkauman untuk mendapat pengaruh dan menyalahkan kerajaan setiap kali sesuatu masalah atau kecuaiian berlaku.

Saya sudah melawat banyak negara di dunia ini. Saya berbincang dengan pemimpin negara dan melihat sendiri keadaan ekonomi dan hidup rakyat mereka. Tidaklah keterlaluhan kalau saya katakan bahawa kita di sini sungguh bernasib baik. Malaysia adalah sebuah negara yang paling berjaya dalam mengatasi masalah poli-

tik, ekonomi dan sosial. Dalam hal ini, ramai pemimpin negara yang saya lawati mengakui akan hakikat ini dan menyanjung tinggi kejayaan Malaysia. Mereka merasakan kita bebasib baik kerana negara kita bukan saja aman dan stabil, tetapi juga berjaya mencatat pertumbuhan ekonomi yang menggalakkan sedangkan negara lain termasuk negara maju mengalami kemerosotan. Demokrasi juga diamal dan berjalan dengan baik di negara ini walaupun ada pihak mencemuh kita.

Pimpinan atau 'leadership' sesebuah negara adalah penting dan ia adalah antara faktor utama yang menentukan kejayaan sesebuah negara itu. Kejayaan Malaysia selama ini adalah antara lain kerana kita mempunyai pemimpin yang bukan saja berkemampuan dan berdedikasi tetapi juga ikhlas dan jujur untuk berkhidmat demi kepentingan rakyat. Tidak ada yang lebih buruk bagi sesuatu negara darinada mendapat pemimpin yang tidak berwibawa. Lihatlah nasib beberapa negara yang menjadi mundur walaupun memiliki sumber alam yang kaya dan rakyat yang cekap dan rajin hanya kerana pemimpin mengamalkan ideologi atau pendekatan yang salah. Apabila pemerintahan dialih di bawah pemimpin baru seperti di China, negara ini dalam jangka masa singkat dipulihkan dan mencapai kemajuan.

Albania yang baru saya lawati adalah sebuah negara yang rakyatnya menderita bedtu lama di bawah sistem komunis disebabkan pemimpinya, Enver Hoxca, yang tidak mementingkan nasib rakyatnya. Buat begitu lama, di bawah kepimpinan komunis, Albania menjadi sebuah negara yang tertutup atau 'isolated'. Akibatnya ekonomi negara itu musnah dan rakyatnya menderita. Kini sistem komunis di Albania sudah dihapuskan dan negara itu sedang berusaha di bawah kepimpinan baru yang progresif dan dinamis untuk memulihkan semula ekonomi negara itu.

Nasib yang malag juga menimpa beberapa negara di Afrika dan Amerika Latin. Oleh kerana pemimpin mereka lebih mementingkan kuasa untk diri sendiri daripada nab hi-dup rakyat, maka konomi negara itu tidaklapat berkembang. Akihtnya rakyat menderita dan hi-dup dalam serba kurangan.

Kita di sini surguuh bernasib baik. Tarafidup kita bukan sahaja adah meningkat, tetapi kita juga disediakan dengan pelbagai kemudahanle kerajaan. Justeru itu adalah amat penting rzyat memilih wakil darpe-mimpin yang benar-tar bertanggungjawab, brkemampuan, jujur dan khlas serta mempunyaiar'vision' untuk menjaga nsib dan kebajikan rakyatnya. Jika kita salah memh, atau kita asyik dengan menukar-nukar pem-pin tanpa sebab, &au erana cita-cita besar indidu tertentu, yang akp rugu ialah negara dan rzyat.

Pada hari ini, rakyat Malaysia boleh beraa bangga kerana Malaysia adalah salah satu negaa di dunia yang telah berjaya. Kejayaan ini adalah hasil usaha dan kerjsama semua rakyat Malaysia yang terdiridaripada pelbagai kaum. Walaupun selepas negara merdeka, ramai yang pesimistik. Kini kita telah membuktikan bahawa sesebuah negara yanberbilang kaum, agama an budaya boleh hidup aman, damai, maju dan makmur.

Dengan adanya wawasan yang menjad panduan untuk kita ujui, saya yakin Malaysia boleh terus mencapai kemajuan lebih pesat. Ini krana kita mempunyai 'agredients' yang sesuai ntuk terus maju. Malaysia bukan sahaja kaya dagan hasil buminya, tetapiuga mempunyai sumberpekerja dan pengusaha ang rajin, cekap dan prduktif. Oleh itu, rakyat Malaysia hendaklah terus brsatu padu, bekerjasama antara satu sama lainlan hidup saling horiat menghormati serta brtoleransi. Marilah ita menganggap ciri kita :

**LHAT MUKA 11**

# Kestabilan politik perlu dikekalkan

DARI MUKA 10 B.H - 8 AUG 1993

bagai sebuah negara berbilang kaum, agama dan budaya sebagai satu 'plus factor'. Kita sudah membuktikan kepada dunia bahawa rakyat Malaysia keturunan Melayu, Cina, India, Iban, Kadazan dan kaum-kaum lain boleh hidup aman, damai, maju dan makmur serta mengemudi negara ini ke tahap kejayaan. Oleh itu tidak ada sebab kita tidak boleh membina kejayaan yang lebih besar bersama-sama pada masa hadapan.

Yang penting ialah kestabilan politik negara perlu dikekalkan. Dalam hal ini, hanya BN saja yang boleh menjamin kestabilan negara akan berterusan. Justeru itu, saya harap masyarakat keturunan India di negara ini akan terus menyokong MIC dan BN. Masyarakat India perlu terus menyokong BN untuk menjamin negara akan terus aman, maju dan makmur. MIC adalah satu-satunya parti yang boleh mewakili kaum keturunan India

dan menjaga kepentingan mereka. Lagipun MIC mempunyai sokongan Umno, MCA dan parti lain dalam Barisan Nasional.

Saya harap Perhimpunan Agung MIC akan berjalan dengan baik. Sebagai parti yang mengamalkan demokrasi, sudah tentu ahli bebas mengemukakan pendapat dan cadangan. Saya percaya banyak perkara yang menyentuh kepentingan kaum India akan dibangkitkan dalam perhimpunan ini. Bagaimanapun saya berharap ahli-ahli juga akan memberi perhatian lebih kepada isu nasional serta mengambil kira kepentingan negara dalam membuat pandangan dan tuntutan. Saya yakin perhimpunan ini akan menghasilkan faedah kepada kaum keturunan India tetapi juga akan membantu mengukuhkan lagi pembangunan negara. Dengan ini, saya dengan sukacitanya merasmikan Perhimpunan Agung MIC ini.